

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea  
Obtinenda Requisitis ...

**Leuren, Peter**

**Coloniæ Agrippinæ, 1704**

229. Quænam corporis infirmitas, aut defectus reddat impromovibilem ad  
beneficium vel officium Ecclesiasticum.

---

[urn:nbn:de:hbz:466:1-74477](#)

citans Bald. Salicer, & Rotam in eadem Trid. canon. 15. Junii 1609. Neque excluduntur domestici tanquam verisimilius informati de veritate. Lott. num. 47. citans Ruin. conf. 194. num. 3. l. 1. & dicens in citata Rota decisione salvatum esse dictum unius testis domestici, quia non esset amplius domesticus tempore examinatis. Porro etas probata per testes per modum obietus admittit probationem per alios testes in contrarium melius informatos, uti servatum in illa Trident. canon. 10. Decemb. 1608. Lott. num. 43.

4. Quartò materia hæc etatis cum quandoq; sit difficilis probationis, admittit etiam præsumptiones & conjecturas Lott. num. 38. citans Alciat. ubi ante num. 5. & Rotam decif. 260. num. 1. p. 2. divers. Et sic probari etatem per aspectum, tradunt DD. Lott. num. 39. citans Menoch. de arb. cap. 117. ex num. 1. Bart. in lib. de etate. num. 7. & 8. de minor. Magon. Lucen. decif. 68. n. 7. Borell. tit. de prob. num. 129. Conjectura tamen illa & præsumptiones, eti; deserviant ipsi proviso ad effectum justificandi suam habilitatem ex etate pro consequendo beneficio, minimè tamen sufficient objiciunt defectum etatis pro repellendo ipsum à sua possessione, nisi per necessitatem concluderent. Lott. num. 38.

*Quæstio 228. An Episcopus in etate requi-sita ad beneficia dispensare possit?*

1. Respondeo primò: Episcopum non tantum in ordine ad curata beneficia, ut indicatum paulò ante, in etate dispensare non posse, sed neque etiam in genere in ordine ad ea beneficia, ad quæ in jure canonico certa etas per se & directe, & non tantum ratione annexi Ordinis requirit Laym. in cap. cùm in cunctis. S. inferiora num. 4. citans Abb. in cap. cùm dilectus de elect. Azor. tom. 2. lib. 6. r. 5. q. 9. Franc. Jo. Monach. juxta gl. communiter receptam in cit. c. cùm dilectus. nisi ea dispensatio ipsi specialiter concessa sit. Laym. loc. cit. Licet autem c. permittimus. de etat. & qualit. in 6. Bonifac. VIII. permisit Episcopis, ut post annum 20. completum dispensare possint ad consequendas dignitates & personatus curam animarum annexam non habentes, de novo tamen Trid. quod hac beneficia requirit 22. annos, contra cuius Concilii decreta dispensare nequit Episcopus. Addit tamen Laym. loc. cit. num. 8. Anton. de Butrio in cap. præterea. de etat. & qualit. num. 7. non improbabiliter affirmare, quòd Episcopus dispensare possit in etate promovendi, quando ea non per se, ac directe requiritur, sed ratione annexi Ordinis, non tamen nisi ex gravi causa & necessaria, cujusmodi est studiorū. Argumento c. cùm ex eo de Elect. Cùm enim ex ea causa permittatur Episcopo, ut in non accipiens ordinibus dispensare queat, consequenter etiam in etate, dum ea indirecte requiritur. Atque ita juxta hanc Theoriā defendi posse, quòd dictum à se, nimur in Cathedralibus Ecclesiis Germania & Canonicos dispensativè institui studiorum prosequendorum causā, qui intra 7. circiter annos sacrum Ordinem ob defectum etatis accipere non possunt, quamvis similes dispensationes Ecclesiis utilles non sint.

2. Respondeo secundò: si particulari alicujus Ecclesiæ Collegiatæ decreto certa etas in promovendis exigatur, v.g. ut intra annum sacrū Ordinē suscipere queant, Episcopus cum Capituli consensu dispensare non prohibetur Laym. ad cap. ex ratione. de

etat. & qualit. de cetero, si literæ fundationis certam etatem requirunt etiam indirecte, v.g. dicendo, ut Capellania sacerdoti conferatur, num Episcopus dispensare possit. Vide Laym. theol. moral. tr. 2. c. 13. q. 6. num. 13. Quod verò attinet ad Papam, cùm is in beneficiis Ecclesiasticis plenitudinem potestatis obtineat, dubitandum non est, eum posse dispensare in etate, tam directe, quam indirecte requisita (intellige tam à jure, quam statuto quoque, aut fundatoris voluntate) Laym. ad c. cùm in cunctis. de elect. §. inferiora num. 6. citans Azor. ubi supra quest. 8. qui tamē addit dubitandum non esse has juris relaxations Ecclesiis multum obesse, & ex iis maximum animæ periculum creari, tum in ipsis pueris, tum in iis, qui eas impetrandas curant. Non tamen recte senserunt Bald. in c. cùm adeo de rescr. num. 10. & Felin. in c. si quando. tit. eod. num. 4. dum ajunt, si Papa scienter scribat pro infante seu minore septem annis, ut ei beneficium Ecclesiasticum conferatur, non esse obedendum, nec literas executioni mandandas. Laym. loc. cit.

*Quæstio 229. In genere quenam corporis infirmitas, aut defectus reddat ineligibilem, aut aliter impromovibilem ad beneficium, vel officium Ecclesiasticum?*

R Espondeo: per quam quis est inhabilis, ut vel absoluē, vel salem decenter, nequeat exercere officium, ad quod eligitur, constat ex toto tit. de corpore vitiatis, & Clericis agrotant. cap. nisi cùm pridem. de renunc. Trident. sess. 22. c. 4. de reform. Unde etiam in genere dicendum omnem defectum corporis, qui irregularitatem inducendo, prohibet à susceptione Clericatū & Ordinum eo ipso indirecte prohibere, quo minus quis ad dignitatem beneficium & officium Ecclesiasticum eligi, aut quavis aliâ viâ promoveri possit. Castrop. tr. 13. de benef. d. 4. p. 4. num. 1. ex comm.

*Quæstio 230. In specie quenam infirmitas & defectus corporis directe seu independenter ab eo, quod irregularitatem inducat, & à Clericatu vel Ordinibus sacris arceat, reddat ineligibilem, aut aliter impromovibilem ad Prælaturas & beneficia?*

1. R Espondeo primò: cæcitas, surditas, privatio loqueli. c. hinc etenim. d. 49. c. constitutum. de verb. significat. in 6. D. Thom. 3. p. d. 82. a. 10. quod tamen non tenet de lippis, vel uno tantum oculo carentibus, surdastris tantum & balbutientibus. Peyr. in pral. q. 2. cap. 4. num. 18. Sayr. de censuris l. 6. cap. 8. num. 3. Pass. de Elect. c. 25. num. 318. Navarr. lib. 1. cons. 7. num. 3. de corpore vitiatis.

2. Secundò paralysis continua, vel quasi continua. c. ult. de Clericis agrot, ibidem. Barb. num. 2. Peyr. loc. cit. num. 13. Sayr. loc. cit. num. 10. Paris. de resign. benef. l. 5. c. 6. num. 22. Paris. loc. cit. n. 320. citans plures alios.

3. Tertiò podagra continua vel quasi continua, præter AA. cit. Regin. in praxi l. 30. nn. 57. Campanilis rubrica 11. c. 17. n. 137.

4. Quartò infirmitas habitualis, & radicata (pro exemplo Peyr. Pass. Sayr. Majol. de irregul. lib. 2. cap. 20. num. 10. ponunt pthisiū) impediens à præcipuis actibus spectantibus ad Prælaturam, & officium.